



IBIRO BY'UMUHESHA W'INKIKO W'UMWUGA
HUISSIER DE JUSTICE PROFESSIONNEL
PROFFESIONAL BAILIFF

Me MUKARUSANGA Alphonsine

Tel: 0788672135 Email: alphemmy15@gmail.com



Kigali, ku wa 26/01/2026

Bwana Muyobozi w'Umujyi wa Kigali,
Kigali

IMPAMVU: Gusaba guhatira n'Akarere ka Nyarugenge gushyira mu bikorwa ibyemezo by'Urukiko no gutanga integuza.

Bwana Muyobozi,

Nyuma yo kubona ko, ku wa 13/12/2025, nandikiye Umujyi wa Kigali nsaba guhatira Akarere ka Gasabo gushyira mu bikorwa imanza RC 00025/2025/TB/GSBO na RC 01809/2024/TB/GSBO - kubijyanye n'imitungo iri muri ako Karere - zategetse ko imitungo RUMONGI Longin yari yariganyije uwari umugore we KANZAYIRE Emilienne ivanwa ku mazina ya sosiyete ya RUMONGI Longin (hashingiwe ku rubanza RC 00025/2025/TB/GSBO) no kubana babyaranye (hashingiwe ku rubanza RC 01809/2024/TB/GSBO) maze igasubira ku mazina y'abahoze ari beneyo, aribo RUMONGI Longin na KANZAYIRE Emilienne kugira ngo bayigabane kuko, mu rubanza rw'ubutane rwarezwe kandi ruburanwa na RUMONGI wenyine, iyo mitungo itigeze igaragazwa kandi Akarere ka Gasabo kakaba karanze gushyira mu bikorwa izo manza zombi, nyamara zaramaze kuba itegeko kuko zifite kashempuruza, bivuze ko inzego za Leta zose bireba zitegetswe gufasha umuhesha w'inkiko kurangiza izo manza;

Nyuma yo kubona ko, ku wa 22/01/2026, n'Akarere ka Nyarugenge kanditse kanga gushyira mu bikorwa imanza zivugwa hejuru, kubijyanye n'imitungo ikabarizwamo igomba nayo kuvanwa kuri sosiyete ya RUMONGI Longin no ku bana yabyaranye na KANZAYIRE Emilienne, kugira ngo iyo mitungo yandikwe kubahoze ari banyirayo, n'ukuvuga RUMONGI Longin na KANZAYIRE Emilienne;

Nyuma yo kubona ko urwitwazo utwo turere twombi twitwaza, muri izo manza zirangizwa, ngo ar'uko Urukiko rutavuzemo utugari iyo mitungo ibarizwamo, bityo utwo turere tugasaba ko ngo izo manza zibanza gukosorwa hakandikwamo UPI zuzuye, nyamara twarahaye utwo turere ubusobanuro burambuye ko izo manza ntagikosorwa kirimo, kuko icyasabwe urukiko muri izo manza kwari ugutesha agaciro imanza RUMONGI Longin yakoreyemo amanyanga (arizo RC 1312/14/TB/KCYI - RC 1313/14/TB/KCY na RC 916/15/TB/KCY) kugira ngo ibintu bisubire uko byahoze maze imitungo isubirane beneyo;

Nyuma yo kubona ko imanza zivugwa hejuru (RC 1312/14/TB/KCYI - RC 1313/14/TB/KCY na RC 916/15/TB/KCY) zateshejwe agaciro n'imanza RC 01809/2024/TB/GSBO na RC 00025/2025/TB/GSBO, dusabira kurangiza, zashyizwe mu bikorwa (zarangijwe) n'Umujyi wa Kigali hamwe n'Uturere twawo bitabanje gusaba RUMONGI Longin kubanza kugaragaza utugari imitungo iherereyemo, nyamara byagera igihe cyo gusubiza ibintu uko byahoze, n'ukuvuga kuyandika kuri RUMONGI Longin na KANZAYIRE Emilienne, ikibazo noneho kikavuka ngo KANZAYIRE Emilienne n'abanye agaragaze utugari imitungo iherereyemo nk'aho ariwe watumye Umujyi wa Kigali n'Uturere twawo gufatanyaga na RUMONGI Longin kumwambura imitungo ye, bishyira mu bikorwa imanza zirimo amanyanga kandi zitagaragaza utugari uyu muni asabwa;

Nyuma yo kubona ko n'amakuru ajyanye n'utugari iyo mitungo ibarizwamo yamaze

gutangwa n'ikigo cy'Ubutaka mu nzandiko zinyuranye kandi zashyikirijwe Umujyi wa Kigali n'utu turere, uretse ko izi nzego zose zisanze ziyazi kuko arizo zinashinzwe iby'ubutaka buburanwa, zikaba noneho ari nazo zakuye iyo mitungo kuri RUMONGI Longin na KANZAYIRE Emilienne, zikabanza kuyandika ku bana babo, hanyuma zikongera kuyandika kuri sosiyete ya RUMONGI Longin, bityo akaba ari nta rwitwazo na rumwe izi nzego zifite, ahubwo zikaba zikomeje uburiganya bwo gukingira ikibaba RUMONGI Longin ngo akomeze guheza KANZAYIRE Emilienne ku mitungo basangiye;

Nyuma yo kubona ko ibisabwa KANZAYIRE Emilienne n'Uturere twa Gasabo na Nyarugenge ari ishenguramutima kuri KANZAYIRE Emilienne wambuwe imitungo ye yose na RUMONGI Longin, iyi mitungo akaba amaze imyaka irenga itanu (5) ayiburana, hanyuma byagera mu gihe cyo kuyisubizwa, akaba nanone akomeje gukingirwa ikibaba n'Uturere tuvugwa hejuru, ibi bikaba bigaragaza akarengye gakomeye KANZAYIRE Emilienne yakorewe ndetse hakaba hakwiriye kwibazwa no ku migambi RUMONGI Longin afitanye n'utu turere;

Nshingiye, rero ku Itegeko N° 22/2018 ryo ku wa 29/04/2018 ryahinduwe n'itegeko N° 025/2021 ryo kuwa 12/05/2021 ryerekeye imiburanishirizwe y'imanza z'imbenezamubano, iz'ubucuruzi, iz'umurimo n'iz'ubutegetsi, cyane ingingo zaryo iya 241, 242 na 244;

Nshingiye cyane cyane kubivugwa muri kashempuruza, aho bivugwa ko inzego zose zigomba gufasha umuhesha w'inkiko kurangiza imanza;

Nyuma yo gusaba Umujyi wa Kigali guhatira Akarere ka Gasabo gushyira mu bikorwa imanza RC 00025/2025/TB/GSBO na RC 01809/2024/TB/GSBO zivugwa hejuru, ariko kugeza ubu bikaba bitarakorwa ku mpamvu zitumvikana, **twandikiye nanone Umujyi wa Kigali guhatira Akarere ka Nyarugenge gushyira mu bikorwa izo manza kugira ngo KANZAYIRE Emilienne asubirane uburenganzira bwe ku mitungo asangiye na RUMONGI Longin, cyangwa se Umujyi wa Kigali ubyikorere kuko ubifitiye ububasha, kuko abakozi b'utu turere n'ubundi ari abakozi bawo.**

Mu gihe ibyo dusabye bitashyirwa mu bikorwa mu gihe cy'iminsi itatu (3), uhereye ku itariki muboneyeho uru rwandiko, tuzabifata ko mwabyanze ndetse ko mwigometse ku byemezo by'inkiko z'Igihugu cyacu, hanyuma twifashishe izindi nzego zibifitiye ububasha.

Ku mugereka w'uru rwandiko, murahasanga inyandiko zose twanditse, n'izo twasubijwe, zerekera n'iki kibazo, harimo n'urwandiko Umunyamabanga Nshingwabikorwa w'Akarere ka Nyarugenge yandikiye KANZAYIRE Emilienne, uretse ko ariye yakandikiye asubiza ibyo namusabye, nk'umuntu uriho urangirisha imanza, dore ko n'urwandiko yamwandikiye rwanyujijwe kuri email yanyje aho kurunyuzwa kuri email ya KANZAYIRE Emilienne.

Mugire amahoro.

Me MUKARUSANGA Alphonsine
Umuhesha w'inkiko w'umwuga



BIMENYESHEJWE:

- Perezidanse ya Repubulika y'u Rwanda
- Urwego rw'Umuvunyi (Ombudsman)
- Minisiteri y'Ubutabera (MINIJUST)
- Minisiteri y'Ubutegetsi bw'Igihugu (MINALOC)
- Ikigo cy'Igihugu Gishinzwe Ubutaka (Land Center)
- Umunyamabanga Nshingwabikorwa w'Akarere ka Nyarugenge

Kigali



PROBATION
Journal of the American Probation and Parole Association
 Volume 54 Number 1 February 2010
 ISSN 0887-2901

Nene kuwa 23/12/2025 Nene kuwa 23/12/2025
Alphassine mnyazhe
kuri email ambudsin@ambudsin
vandi Baragakuze Alph-

buryo bw'uburiganya.

Nyuma rero yo kubona ko imanza zivugwa hejuru (RC 00025/2025/TB/GSBO na RC 01809/2024/TB/GSBO) zitesha agaciro imanza RC 1312/14/TB/KCYI - RC 1313/14/TB/KCY na RC 916/15/TB/KCY zakoreshejwe mu buriganya na RUMONGI Longin mugucuza umugore we imitungo bari basangiye, nashyikirije Akarere ka Gasabo inyandiko zigasaba gushyira mu bikorwa izo manza, kugira ngo iyo mitungo ivanwe kuri sosiyete SOFAREX maze isubizwe ku mazina ya banyirayo, aribo RUMONGI Longin na KANZAYIRE Emilienne, nk'uko Urukiko rwabitegetse.

Nshingiye ku manza zavuzwe haruguru aho umucamanza yategetse ko imitungo (1^o) UPI:1/02/13/03/229, (2^o) UPI:1/02/07/01/470, (3^o) UPI:1/02/10/02/2165, (4^o) UPI:1/02/10/02/2881, (5^o) 1/02/13/02/13/02/1310, (6^o) UPI:1/02/10/04/1737 na (7^o) UPI:1/02/10/04/1771 iherereye mu Muji wa Kigali, Akarere ka Gasabo mu mirenge itandukanye urukiko rwategetse ko ivanwa kuri company ya SOFAREX ihagarariwe na RUMONGI Rongin, ndetse ahandi umucamanza ateguka ivanwa ku bana be igasubira mu mazina ya RUMONGI Rongin n'uwahoze ari umugore we KANZAYIRE Emilienne batandukanye.

Igitangaje rero, akaba ar'ukuntu Akarere ka Gasabo kanze gushyira mu bikorwa imanza zivugwa hejuru ku bijyanye n'imitungo itimukanwa ibarizwa muri ako Karere, nta mpamvu ifatika gashingiyeho, ahubwo kakagaragaza imyitwarire igayitse, nyamara **kashe mpuruza iteguka n'abayobozi b'inzego za Leta gutera inkunga abahesha b'inkiko mu kurangiza imanza.**

Rero, ubwambere nkigera ku Karere, umukozi wari ushinze kwakira dosiye yansabye kubanza kuzana ngo ibyangombwa by'imitungo igomba guhindurirwa banyirayo ngo cyangwa nkazana urwandiko nandikiye RUMONGI Longin rugaragaza ko ibyo byangombwa yabinyimye. Nagarutse nzanye urwo rwandiko, kuko ibyangombwa yabinyimye, mpagaze mpasanga undi mukozi witwa Jean Luc, nawe yanga kwakira ya dosiye ngo keretse noneho tubanje gukosoza imanza zikagaragaza utugali imitungo iherereyemo. Namubwiye ko imanza ndiho ndangiza nta kibazo zifite, kuko icyasabwwe Urukiko kandi cyatanze ari ugutesha agaciro imanza RUMONGI Longin yashingiyeho akura imitungo ku mazina ye na KANZAYIRE Emilienne ayashyira kuri sosiyete ye yitwa SOFAREX. Kuva ubwo, batangiye kunsiragiza bumva ngo nazana "Fiches Cadastres", nyamara nje numva ibisabwa byose kuri form ya 16 twuzuye byuzuye, yewe n'utugali nanadushyizeho. Byageze n'aho uwo mukozi ambwira ko ngo azakira dosiye yanyije ar'uko umuyobozi we abimuhereye uburenganzira.

Nyuma yo kubura uko mbigenza, byabaye ngombwa ko niyambaza Diregiteri w'uwo mukozi (witwa Jeanette), ndi kumwe n'abavoka baburanye izo manza ndiho ndangiza, tumubaza impamvu batakira dosiye yacu ngo banarangize imanza zivugwa hejuru. Uyu Jeanette, twamubwiye ko ntacyatuma izi manza zitarangizwa kuko, nubwo utugali tutagaraga mu manza, ibibanza bizwi neza aho biherereye, ko historique yabyo igaragaza abahozze ari banyirabyo, kandi ko niba hari na numero zaba zisa mu tugali dutandukanye, harebwa ibibanza byanditse gusa kuri SOFAREX, yewe tunamushyikiriza inyandiko za Land Center zigaragaza imyirondoro yuzuye y'ibyo bibanza, harimo n'utugali. Twanamubajije n'impamvu bitwaza ikibazo cy'utugali badashaka kurangiza izo manza, nyamara harifashishijwe

n'ubundi imanza zitagaragaza utugali (RC 1312/14/TB/KCYI - RC 1313/14/TB/KCY na RC 916/15/TB/KCY) ubwo imitungo ivugwa hejuru yakurwaaga ku mazina ya RUMONGI Longin na KANZAYIRE Emilienne. Bikaba bitumvikana ukuntu hagera ko ibintu bisubira uko byakoze, kugira ngo KANZAYIRE Emilienne asubizwe uburenganzira bwe, noneho ikibazo cy'utugali kikavuka.

Nyuma y'ibyo biganiro, yaje kuvugana n'umwe mu bakozi ayobora (witwa Cecile), maze atubwira ko ngo agiye kuvugana n'abo mu Kigo cy'Ubutaka (Land Center) bityo akazaduha igisubizo vuba

Twamubajije niba baba bakiriye dosiye yacu mu gihe tugitegereje igisubizo cyabo, bakaduterera kasha ya reception, avuga ko ngo bazayakira nyuma yo kuvugana na Land Center. Bikaba bitumvikana ukuntu umuntu yazana urwandiko ntirwakirwe, ngo bategereje kubanza kuvugana n'undi muntu atari we rugenewe, ahubwo rukwiriye kwakirwa, ahasigaye akazagenerwa igisubizo gikwiriye, yaba ari kumwemerera ibyo yasabye, kumuhakanira se cyangwa kumusaba amakuru y'inyongera!

Nyuma y'aho, twaje guhamagara tubaza niba noneho twazana dosiye, batwemerera ko twayizana kubera ko bamaze kubyemeranyaho n'ikigo cy'Ubutaka, ariko ngezeyo natunguwe n'uko wa mukozi wakira dosiye (Jean Luc) yansabye kubanza guca kwa Diregiteri we (Jeanette), ngezeyo nawe anyohereza kuri wa mukozi wundi uzayiga/bita tekiniye (Cecile), ngezeyo nawe ansaba kongera gusubira kwa Diregiteri Jeanette, noneho birangira Diregiteri Jeanette n'umutekinisiye we Cecile bantegetse gusubizayo dosiye ngo nkabanza gukoresha za "Fishes Cadastrales" ngo kuberako imanza ndimo ndangiza hatagaragaramo utugali imitungo ibarizwamo nyamara, mu biganiro byari byabaye mbere, twumvaga twari twabahaye ibisobanuro bihagije, cyane cyane ko "Fiches Cadastrales" zikenerwa ku bibanza bidafite numero.

Mbonye ko banze kumva ibyo mbabwira, nababwiye ko, niba batsimbaraye mu kunsaba za "Fiches Cadastrales", noneho babyandika ku nyandiko z'irangiza-rubanza nari nazanye kugira ngo mbigaragarize uwo ndangiriza urubanza (KANZAYIRE Emilienne) kugira ngo atumva ko ndiho mubesha kandi ashake amafaranga yo kuzikoresha.

Ibyo nasabye nabyo banze kubikora, maze bituma nsaba kubonana n'Umunyamabanga Nshingwabikorwa w'Akarere ka Gasabo (Mayor) kugira ngo nawe musobanurire ikibazo nahuye nacyo mu Karere ayobora. Mayor, yaje kutwakira, tumugezaho ikibazo cyose n'uko byagenze, maze ababazwa n'uko abakozi batakirije dosiye yanyje kandi ahita ateguka ko dosiye yakirwa bakanasinyira kuri dosiye bandikaho izo "Fiches Cadastrales" bariho bansaba.

Dosiye yaje kwakirwa bisabwe n'Umujyanama wa Mayor (witwa regine) ariko abakozi (Jean Luc n'uwitwa Anicet) banga kwandika no gusinyira ibyo bariho bansaba (Fiches Cadastrales) ngo izo n'inshingano za Diregiteri Jeanette.

Kubera ko Jeanette atari ahari, twaratashye twongera kujya kumureba ngo yandike kandi asinyire ibyo badusaba. Nageze muri office nsanga ari kumwe n'undi muntu, ansaba gutegereza, nyuma y'amasaha abiri n'iminota makumyabiri (2h20).

nsubiyeyo nsanga office ikinze atigeze ambwira n'aho agiye, hanyuma nabyo mbimenyesha Mayor n'umujyanama we Regine.

Nyuma niho yaje kuboneka maze aranyakira. Twaraganiriye maze antunguza ikindi gitekerezo cy'uko ngo "Fiches Cadastrales" zishobora kutaba ngombwa, dutangira kwibaza impamvu yo gusiragizwa, tugenda tugaruka, dosiye ikaba igejeje hafi amezi abiri ntarahabwa serivisi ngo imanza zishyirwe mu bikorwa, bityo KANZAYIRE Emilienne ahabwe ubutabera amaze imyaka aharanira.

Yansabye kuzamuhamagara ku munsu ukurikiyeho nkamubaza icyemezo yafashe, ariko naje kumuhamagara ku munsu n'isaha yampaye ariko ntiyanyitaba, noneho n'ikindi gihe namuhamagara akambwira ko ari mu nama kugeza ubu nkaba naraheze mu gihirahiro, ntazi uko mbigenza, ndetse nkibaza n'icyihishe inyuma y'ibi byose.

Nshingiye rero ku Itegeko N° 22/2018 ryo ku wa 29/04/2018 ryahinduwe n'itegeko N° 025/2021 ryo kuwa 12/05/2021 ryerekeye imiburanishirize y'imanza z'imbonezamubano, iz'ubucuruzi, iz'umurimo n'iz'ubutegetsi;

Nshingiye kubivugwa muri kashempuruza, aho bivugwa ko inzego zose zigomba gufasha umuhesha w'inkiko kurangiza imanza;

Nshingiye kandi ku mpamvu zose maze kuvuga hejuru;

Ndabasaba ko mwategeka Akarere ka Gasabo kubahiriza ibyemezo by'inkiko maze imitungo ivugwa hejuru ikandikwa ku mazina ya banyirayo KANZAYIRE Emilienne na RUMONGI Longin, nk'uko byemejwe n'Urukiko; cyangwa se Umujyi wa Kigali ukabyikorera.

N.B: Ku mugereka w'uru rwandiko, murahasanga kopi y'imanza zirangizwa, Inyandiko-mvugo yemeza ko Akarere ka Gasabo kanze kwakira Dossier, n'Inyandiko igaragaza amakuru yatanze n'ikigo cy'Ubutaka (Land center).

Mugire amahoro n'akazi keza.

Bikorewe i Kigali, none ku wa 22/12/2025.

Umuhesha W'inkiko W'umwuga
Me MUKARUSANGA Alphonsine

Alph



BIMENYESHEJWE:

- Perezidanse ya Repubulika y'u Rwanda
- Ikigo cy'Igihugu Gishinzwe Ubutaka (Land Center)
- Minisiteri y'Ubutegetsi bw'Igihugu (MINALOC)
- Urwego rw'Umuvunyi (Ombudsman)
- Minisiteri y'Ubutabera (MINIJUST)
- Akarere ka Gasabo



**IBIRO BY'UMUHESHA W'INKIKO W'UMWUGA
HUISSIER DE JUSTICE PROFESSIONNEL
PROFFESIONAL BAILIFF**

Me MUKARUSANGA Alphonsine

Tel: 0788672135 Email: alphemv15@gmail.com



Umwaka wa 2026, Ukwezi kwa 01, umunsi wa 8,

Bwana Muyobozi w'Akarere ka Nyarugenge,

Kigali

**IMPAMVU : Gushyikiriza Akarere ka Nyarugenge imanza RC 1312/14/TB/KCY -
RC 1313/14/TB/KCY na RC 916/15/TB/KCY kansabye.**

Bwana Muyobozi,

Ku wa 12/11/2025, nashyikirije Akarere ka Nyarugenge dosiye ikubiyemo imanza RC 01809/2024/TB/GSBO gasabwa kurangiza kugira ngo imitungo ikabarizwamo (imitungo zize RC 1312/14/TB/KCY na 42/NYARUGENGE/MUHIMA/UBUMWE) yandikwe ku bahoze ari banyirayo, RUMONGI Longin umugore we KANZAYIRE Emilienne, kuko icyo mitungo yatanze na RUMONGI Longin mu bwuburiganya. Izi manza zombi zitesha agaciro imanza RC 916/15/TB/KCY na RC 1313/14/TB/KCY zashowe kandi zikifashishwa na RUMONGI Longin wenyine mugukora aho ariho.

Nyuma yo gukurikirana inshuro zigera kuri eshatu iyi dosiye mbaza aho igeze, ari nako bansaba kuzagaruka ngo baracyayigaho, uyu munsi ku wa 08/01/2026 umukozi ufite dosiye (witwa DUSABEYEUZU César) yambwiyeko ngo imanza nasabye kurangiza zitagaragaza utugali imitungo iherereyemo maze, nyuma yo kumubwira ko n'imanza zivugwa hejuru Akarere ka Nyarugenge kashinyeho gakora ihererekanya ryayo, ansaba kumushyikiriza izo manza zarangijwe arizo RC 1312/14/TB/KCY - RC 1313/14/TB/KCY na RC 916/15/TB/KCY zateshejwe agaciro.

Mu rwego rero rwo kubahiriza ubwo busabe, ku mugereka w'iyi nyandiko, nometsheho imanza twasabwwe RC 916/15/TB/KCY na RC 1312/14/TB/KCY - RC 1313/14/TB/KCY zarangijwe n'Akarere ka Nyarugenge maze kakavana imitungo ivugwa hejuru ku bahoze ari banyirayo ikandikwa kuri sosiyete zashinzwe na RUMONGI Longin nyamara nazo zitagaragaza utugali icyo mitungo iherereyemo.

Tukaba rero dusaba ko imanza twasabye kurangizwa n'Akarere ka Nyarugenge zarangizwa, bityo imitungo ivugwa hejuru ikandikwa kuri RUMONGI Longin na KANZAYIRE Emilienne nk'uko byategetswe n'Urukiko, dore ko igisabwa ari ugusubiza ibintu uko byahoze, bityo Akarere ka Nyarugenge kabigizemo uruhare n'ubundi akaba ariko kabisubiza uko byahoze.

Tubaye tubashimiye ku bufatanye bwiza mugutanga ubutabera bumaze nk'uko binateganyijwe muri kashe mpuruzza iri ku manza zirangizwa.

N.B : Ku mugereka, dushyizeho n'amakuru yatanze n'ikigo cy'Ubutaka agaragaza uturere, imirengye n'utugali icyo mitungo iherereyemo, ku buryo bikuraho urujijo urwo arirwo rwose.

Umuhesha w'inkiko w'umwuga

Me MUKARUSANGA Alphonsine.

Bimenyeshejwe :

- Umujyi wa Kigali
- Ikigo cy'Igihugu Gishinzwe Ubutaka (Land Center)

Kigali





Repubulika y'u Rwanda
Umujyi wa Kigali
Akarere ka Nyarugenge



Ref N° 65.49 07.01.01.02/26
Kigali, ku wa 22 / 04 / 2026

Madamu KANZAYIRE Emilienne
Tel: +13097497185/0788672135
KIGALI

Impamvu: Gusabwa kuzuzwa ibibura muri dosiye yawe

Madamu,

Hashingiwe ku busabe bwawe bwerekeye ihererekanya ry'uburenganzira ku butaka rishingiye ku cyemezo cy'urukiko, aho mu rubanza RC 01809/2024/TB/GSBO urukiko rwategetse ko ikibanza gifite numero 42 giherereye Nyarugenge/Muhima n'inzu ifite numero 1053 Nyarugenge ifite Title de propriete V R XIX Folio 145 byongera kwandikwa kuri Rumongi Rongin nawe KANZAYIRE Emilienne;

Hashingiwe ku isuzuma ryakorewe ubusabe bwawe byagaragaye ko amakuru y'ubutaka buvugwa mu mwanzuro w'urukiko atuzuye, ntabwo hagaragajwe Akarere. Umurenge n'Akagari imitungo iherereyemo cyangwa UPI igaragaza amakuru yuzuye ariyo code y'Umujyi wa Kigali Akarere. Umurenge n'Akagari. Ibi bizadufasha kumenya niba koko ubutaka buzaba bwanditswe ku baburanyi bombi aribwo bwaburanywe mu rukiko, ibyangombwa by'ubutaka harimo na Title de propriete V R XIX Folio 145 kwasabiwe serivisi na foto kopi y'irangamuntu ya Rumongi Rongin ntabwo byatanzwe muri dosiye isabirwa serivisi, niba ntabyo wahawe turagusaba kugaragaza ibaruwa wandikiye abo bireba ubisaba ntibihabwe;

Turagusaba ko mu gihe kitarenze iminsi itatu (3) ubonye iyi baruwa, uzaba wageze ku Biro bishinzwe gutanga serivisi z'ubutaka mu Karere ka Nyarugenge kugira ngo ushyikirizwe dosiye yawe ubashe kuzuzwa ibibura byose byashingirwaho hatangwa serivisi wasabye.

Ugire amahoro

INGANGARE Alexis

Umuyobozi Nshingwabikorwa w'Akarere ka Nyarugenge



Bimenyeshejwe:

- Bwana Umubitsi w'Inyandikompamo z'ubutaka/ ifasi y'Umujyi wa Kigali;
- Bwana Umuyobozi w'Umujyi wa Kigali;
- Bwana Minisitiri w'Ubutegetsi bw'Igihugu;

KIGALI